

Data 20.03.2023

PROCESVERBAL - Tipi i kontratës - PUNË

PËR ARGUMENTIMIN DHE MIRATIMIN E SPECIFIKIMEVE TEKNIKE

DHE

KRITEREVE PËR KUALIFIKIM

(Ky procesverbal është për efekt publikimi bashkë me dokumentet e tenderit)

OBJEKTI I PROKURIMIT:

- Ndërtim i Rrjetit të Kanalizimeve të Ujërave të zeza KUZ, fshatrat Gjoricë e Sipërme dhe Gjoricë e Poshtme Njësia Administrative Gjoricë.

KODI PËRKATËS NË FJALORIN E PËRBASHKËT TË PROKURIMIT (CPV):

- **45000000-7 – Punë ndërtimi**

VLERA E FONDIT LIMIT:

- 249,066,402 (dyqind e dyzet e nëntë milion e gjashtëdhjetë e gjashtëmijë e katërqind e dy) lekë pa TVSH

Në bazë të Nenit 21 pika 2 të Ligjit Nr.162 / 2020 “Për prokurimin publik”, Nenit 2, pika 2/c dhe Nenit 78, pika 2 të VKM Nr.285 datë 19.05.2021 “Për miratimin e rregullave të prokurimit publik”, njesia e prokurimit pranë autoritetit kontraktor Agjensia Kombetare e Ujesjelles Kanalizimeve dhe Infrastruktures se Mbetjeve, ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

1. KRITERET E PËRGJITHSHME TË PËRZGJEDHJES / KUALIFIKIMIT

Ofertuesi deklaron se:

a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

b) nuk është në proces falimentimi (status aktiv);

c) nuk është dënuar për ndonjë vepër penale, në përputhje me nenin 76/1 të LPP-së;

ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendimi i gjykatës i formës së prerë për çdo vepër penale, të përcaktuar në nenin 76/1 të LPP-së;

d) nuk është dënuar me vendim gjyqësor të formës së prerë në lidhje me veprimtarinë profesionale;

dh) nuk ka pagesa pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;

e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.

f) nuk është në kushtet e konfliktit të interesit, sipas legjislacionit në fuqi;

g) ushtron veprimtarinë në përputhje me legjislacionin përkatës mjedisor, social dhe të punës;

gj) ka paraqitur një Ofertë të pavarur, sipas kërkesave të legjislacionit në fuqi;

h) kryen aktivitetin në përputhje me kërkesat e legjislacionit në fuqi.

i) nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë/kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.

Nëse gjuha e përdorur në procedurë është gjuha shqipe, atëherë dokumentet e gjuhës së huaj duhet të shoqërohen nga një përkthim i noterizuar në shqip.

Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas Shtojces 8.

Në rast të bashkimit të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se, operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimit nuk duhet të ndryshohen nga Autoritetet/Entet Kontraktore.

Në çdo rast, Autoriteti/Enti Kontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

Nëse oferta paraqitet nga një Bashkim Operatorësh Ekonomikë, do të paraqitet :

- Marrëveshje bashkëpunimi ndërmjet Operatorëve Ekonomikë, ku caktohet përfaqësuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.
- Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetit/entit kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

- a. *Formularin Përmbledhës të Vetëdeklarimit, sipas Shtojcës 8,*
- b. *Sigurimin e Ofertës, sipas Shtojcës 3;*

2. Ofertuesi duhet të paraqesë:

2.1 Përshtatshmëria për të kryer veprimtarinë profesionale:

Sipas percaktimeve ne Kriteret e Përgjithshme të Perzgjedhjes / Kualifikimit pika 1 e Shtojces 7

Argumentimi: Kërkesa e mësipërme bazohet në kërkesat e pikes 1 Shtojca 7.

2.2. Kapaciteti ekonomik dhe financiar:

2.2.1. Kopje të certifikuara të bilanceve të tre viteve të fundit 2020, 2021, 2022 të konfirmuara me vule pranë administratës tatimore. Operatorët Ekonomikë të cilët plotësojnë 2 nga 3 kërkesat e gërmes “c” të nenit 41 të Ligjit Nr.10091 datë 05.03.2009 ”Për auditimin ligjor, organizimin e profesionit të ekspertit kontabël të regjistruar dhe të kontabilistit të miratuar” të ndryshuar; krahas bilanceve të paraqesin dhe raportet e audituesit të pavarur (Akt Ekspertizën e Ekspertit Kontabël të Autorizuar) për bilancet e këtyre viteve të konfirmuara nga administrata tatimore.

Kjo kërkesë për kualifikim, konsiderohet e përmbushur nëse në 2 (dy) bilance të njëpasnjëshme, nuk ka raport negativ ndërmjet aktivitetit dhe pasivitetit. Kur oferta paraqitet nga një bashkim operatorësh, ky kusht plotësohet nga secili anëtar i bashkimit.

2.2.2 Kopje të deklaratave të xhiros mesatare vjetore, të realizuar nga Operatori Ekonomik ofertues gjatë 3 (tre) viteve të fundit (2020, 2021, 2022) lëshuar nga Administrata Tatimore, me vlerë jo më të vogël se vlera e fondit limit të kontratës që prokurohet.

Kërkesa për plotësimin e kapaciteteve financiare do të konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

Në rastin e bashkimit të operatorëve ekonomikë ky kriter plotësohet nga secili anëtar i bashkimit në raport me përqindjen (*elementët konkretë*) dhe/ose kushtet e pjesëmarrjes së tyre në bashkim.

2.2.3. Operatori Ekonomik duhet të paraqesë vertetim nga organet e pushtetit lokal (Komuna / Bashkia) për shlyerjen e taksave vendore për vitin 2022 dhe për tremujorin e parë të vitit 2023 (për NIPT-in kryesor dhe për NIPT-et sekondare), ku të përfshihet kësti për periudhën përkatëse të maturuar sipas përcaktimeve të Ligjit Nr.9632 datë 30.10.2006 “Për sistemin e taksave vendore” i ndryshuar; në të gjitha vendet ku ushtron aktivitetin sipas Rregjistrimit në Qendren Kombëtare të Biznesit. Në rast bashkimi të operatorëve ekonomikë, çdo anëtar i grupit duhet të dorëzojë vertetimin lëshuar nga Bashkia ose Komuna në të cilën është regjistruar sipas QKB-se.

Ky kriter të përmbushet nepermjet paraqitjes së formularit përmbledhës të vetedeklarimit sipas Shtojcës Nr. 8 të DST. Nëse operatori ekonomik kualifikohet, përpara publikimit të njoftimit të fituesit dhe nisjes së afateve të ankimit, duhet të paraqesë vertetim/e lëshuar nga Bashkia / Komuna me anë të së cilit të vërtetohet shlyerja e këtyre taksave sipas vetedeklarimit të kryer në shtojcën 8 të DST-së.

Argumentimi: Kërkesat e mësipërme bazohen në Nenin 77 pika 1/b dhe 3 të Ligjit Nr.162/2020 “Për Prokurimin Publik” ku përcaktohet se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në: b) **gjendjen ekonomike dhe financiare**;...3) Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë **një xhiro vjetore minimale të caktuar**. Gjithashtu, autoritetet ose entet kontraktore mund të kërkojnë që operatorët ekonomikë të japin **informacione në bilancet e tyre vjetore që të tregojnë raportet ndërmjet aktivitetit dhe pasivitetit**. Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës...”

Në nenin 43 “Kërkesat për kapacitetet ekonomiko - financiare” të VKM Nr. 285 datë 19.05.2021 “Për miratimin e rregullave të Prokurimit Publik” ku parashikohet: “Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik dhe, sipas rastit të xhiros që mbulon kontrata, për një periudhë maksimumi deri në 3 (tre) vitet e fundit financiare.”

Vlera e xhiros minimale vjetore që u kërkohet operatorëve ekonomikë nuk mund të tejkalojë:...b) vlerën e parashikuar të kontratës, në procedurat e prokurimit ndërmjet kufirit të lartë dhe të ulët monetar;

Nëse vlerësohet, autoriteti/enti kontraktor mund të kërkojë që operatorët ekonomikë të japin informacione në bilancet e tyre vjetore, për një periudhë maksimumi tre vitet e fundit financiare, që të tregojnë raportet, ndërmjet aktivitetit dhe pasivitetit. Kjo kërkesë konsiderohet e përmbushur nëse në dy bilance të njëpasnjëshme, nuk ka raport negativ ndërmjet aktivitetit dhe pasivitetit.

Gjithashtu, përcaktimi i viteve të kërkuara për paraqitjen e bilanceve është bërë duke i'u referuar legjislacionit të fushës, konkretisht:

Ligjit nr. 8438, datë 28.12.1998 “Për tatimin mbi të ardhurat”, i ndryshuar, neni 29 i tij i cili përcakton “Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrisë të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njëjtën kohë bilancin kontabël, së bashku me anekset e tij, si dhe çdo të dhënë tjetër të përcaktuar në udhëzimin e Ministrisë të Financave në zbatim të këtij ligji.

Udhëzimit të Ministrisë të Financave Nr.5 datë 30.01.2006 “Për tatimin mbi të ardhurat”, i ndryshuar pika 3.12 e tij, dhe kërkesave të **Ligjit Nr. 25 date 10.05.2018** “Per Kontabilitetin dhe pasqyrat financiare” neni 9 i tij ku parashikohet: “Kohëzgjatja e periudhës raportuese është 12 muaj. Periudha raportuese fillon në datën 1 janar dhe përfundon në datën 31 dhjetor. Përjashtimet për veprimtaritë e veçanta, me propozimin e Këshillit Kombëtar të Kontabilitetit, miratohen nga ministripërgjegjës për financat”.

Ligjit Nr.10091 datë 05.03.2009 “Për auditimin ligjor, organizimin e profesionit të audituesit ligjor dhe të kontabilistit të miratuar” (i ndryshuar) neni 41 i tij, Vendimit të Këshillit të Ministrave Nr.922, datë 29.12.2014 “Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike” gëzojmë që të kërkojmë xhiron vjetore dhe pasqyrat financiare për tre vitet e fundit (2019, 2020, 2021) pasi tatimpaguesit (operatorët ekonomikë) kanë detyrimin të dorëzojnë në administratën tatimore brenda datës 31 mars të vitit pasardhës bilancin kontabël së bashku me anekset e tij, si dhe Akt Ekspertizën e Ekspertit Kontabël të Autorizuar në rastet kur plotësohen kushtet e parashikuara nga ligji.

Gjithashtu njësia e prokurimit kerkoi edhe pagesat e taksave vendore bazuar në Ligjin Nr.9632 datë 30.10.2006 “Për sistemin e taksave vendore” (te ndryshuar), neni 5, pika c, sipas afateve te miratuara te kryerjes se pagesave te percaktuara nga cdo njesi e qeverisjes vendore si dhe faktit ku në zbatim të legjislationit në fuqi, Qendra Kombëtare e Biznesit ka funksion të mbajë rregjistrin tregtar dhe për qëllim të regjistrimit fiskal, ku përcaktohen dhe vendet e ushtrimit të operatorëve ekonomikë, duke qënë se këto të fundit kanë detyrimin të paguajnë të gjitha detyrimet e taksave dhe tarifave vendore, ne vendet qe ushtrojne aktivitetin e tyre, atëherë operatorët ekonomikë pjesëmarrës duhet të vërtetojnë se i kanë likujduar këto detyrime nëpërmjet paraqitjes së vërtetimit të lëshuar nga Administrata e Qeverisjes Vendore.

Njësia e prokurimit përcaktoi kriteret për kapacitetet ekonomike dhe financiare si më lart, duke qënë se këto kriteret janë në përpjesëtim dhe të lidhura ngushtë me objektin e kontratës, dhe i shërbejnë autoritetit kontraktor për njohjen e gjendjes financiare të operatorëve ekonomikë dhe të mundësisë së tyre për përmbushjen me sukses të kontratës.

2.3 Kapaciteti teknik dhe profesional:

2.3.1. Përvojë të suksesshme në realizimin e të paktën:

- a. punë të ngjashme për një objekt të vetëm në një vlerë jo më të vogël se 50% e vlerës së përlogaritur të kontratës që prokurohet (*pa TVSH*) dhe që është realizuar gjatë pesë viteve të fundit, nga data e shpalljes së njoftimit të kontratës.

Ose

- b. punë të ngjashme deri në një kufi, ku vlera monetare totale e punëve të kryera, e marrë së bashku e realizuar gjatë pesë viteve të fundit nga data e shpalljes së njoftimit të kontratës, është jo më e vogël se dyfishi i vlerës limit të kontratës që prokurohet (*pa TVSH*).

Plotësimi i njërit prej dy kushteve të sipërpërmendura e ben oferten të kualifikueshme.

Vlerësimi i përvojës së suksesshme të Operatorit/ve Ekonomike do të kryhet bazuar në dokumentacionin e mëposhtem:

Ne rast se punimet jane kryer me ente publike:

Operatori Ekonomik, si dëshmi për përvojën e mëparshme te realizuar me ente publike, duhet te paraqese formular vleresimi lëshuar nga Investitori sipas Shtojces 9 dhe situacion perfundimtar për të vërtetuar përmbushjen e suksesshme të punëve.

Formulari i vlerësimit duhet të përcaktoje saktësisht cilësinë e kryerjes së punëve, faktin nëse kontrata është realizuar me sukses, përqindjen e punimeve në rast bashkimi të shoqërive, etj. Në

rast se kontrata e ngjashme është lidhur nga një bashkim operatorësh ekonomikë duhet të paraqitet edhe kontrata e bashkëpunimit midis tyre.

Ne rast se punimet janë kryer me sektorin privat:

Operatori Ekonomik, si deshmi të përvojës së mëparshme të realizuar me sektorin privat, duhet të paraqesë vërtetime të shoqeruara me faturat tatimore të shitjes, ku të shënohen datat, shumat, natyra e punës së kryer dhe situacioni perfundimtar për të vërtetuar përmbushjen e suksesshme të punëve.

Pika 2.3.1 gërma “a” plotësohet nga anëtari i cili ka përqindjen më të madhe të pjesëmarrjes në bashkim. Anëtarët e tjerë të bashkimit do të paraqesin kontratat e ngjashme në raport me përqindjen e pjesëmarrjes së tyre në bashkim. Në rastin kur operatorët ekonomikë, anëtarë të një bashkimi, kanë të njëjtën përqindje pjesëmarrjeje në bashkim, vendosin me marrëveshje në kontratën e bashkëpunimit se cila prej tyre do të përmbushë këtë kusht.

Kurse pika 2.3.1 gërma “b” duhet të plotësohet nga të gjithë anëtarët e bashkimit në raport me përqindjen e pjesëmarrjes së tyre në bashkim. (Neni 88, pika 3, i VKM-se nr.285 date 19.05.2021 “Për miratimin e rregullave të prokurimit publik” të ndryshuar).

Argumentimi:

Kërkesat e mësipërme bazohen në nenin 77 pika 4 të Ligjit Nr.162/2020 “Për Prokurimin Publik” ku përcaktohet se: “Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe **përvojën e nevojshme** për të zbatuar kontratën sipas një standardi të përshtatshëm cilësie.

Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën.”

Në nenin 39 “Kërkesat të veçanta për kontratat për punë publike” pika 5 dhe 8 të VKM Nr. 285 datë 19.05.2021 “Për miratimin e rregullave të Prokurimit Publik” ku përcaktohet se: “Për të provuar përvojën e mëparshme, autoriteti/enti kontraktor kërkon: **a) punë të ngjashme për një objekt të vetëm në një vlerë jo më të madhe se 50% e vlerës së përlllogaritur të kontratës që prokurohet dhe që është realizuar gjatë pesë viteve të fundit, nga data e shpalljes së njoftimit të kontratës; b) punë të ngjashme deri në një kufi, ku vlera monetare totale e punëve të kryera, e marrë së bashku gjatë pesë viteve të fundit, është jo më e madhe se dyfishi i vlerës limit të**

kontratës që prokurohet. Plotësimi i njërës prej dy kushteve të sipërpërmendura e bën ofertën të kualifikueshme. Autoriteti/enti kontraktor, si dëshmi për përvojën e mëparshme, kërkon vërtetime të lëshuara nga një ent publik, për përmbushjen me sukses të kontratës, ku të shënohen vlera, afati i përfundimit të kontratës dhe natyra e punës së bërë, për të vërtetuar përmbushjen e suksesshme të punëve. Në rastin e përvojës së mëparshme të realizuar me sektorin privat, autoriteti/enti kontraktor kërkon si dëshmi, vërtetime, për përmbushjen me sukses të kontratës, ku të shënohen vlera, afati i përfundimit të kontratës dhe natyra e punës së bërë, e shoqëruar me fatura tatimore dhe çdo lloj dokumenti tjetër, që parashikohet nga legjislacioni në fuqi, që provon realizimin me sukses të punëve. Autoriteti/enti kontraktor, përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës.”

Njësia përcaktoi kriteret për punë të ngjashme si më lart duke qenë se këto kritere janë të detyrueshme, janë në përpjesëtim dhe të lidhura ngushtë me objektin e kontratës.

Sipas këtij neni, Njësia e prokurimit vlerëson se duhen kërkuar disa prej dokumentacioneve ligjore të zbatimit të punimeve, bazuar në Ligjin Nr.8402 datë 10.09.1998 “Për kontrollin dhe disiplinimin e ndërtimit” (i ndryshuar), si dhe akteve në zbatim të tij, pasi duke qenë se kontrata për punë publike që po prokurohet është në bazë të punimeve me matje, sipas nenit 39 pika 1/a e VKM-së, lind e nevojshme që operatorët ekonomikë pjesëmarrës krahas dokumentacionit të përcaktuar në nenin 39 pika 5/a dhe b, të paraqesin dhe situacionet përfundimtare si dhe *formular vleresimi për punët e kryera me entet publike*, për të patur mundësi të bindet nëse operatori ekonomik zotëron përvojën e nevojshme për zbatimin e kontratës, ku punimet e mëparshme duhet të kenë zëra të konsiderueshme punimesh me zërat e punimeve që po prokurohen, si dhe në rastin kur punimet e mëparshme janë kryer si bashkim operatorësh ekonomikë, nuk jepet informacion mbi përqindjen e anëtarëve në bashkim, në vërtetimet që lëshojnë autoritetet kontraktore dhe në faturat tatimore të shitjes, ku këto të fundit lëshohen nga përfaqësuesi i bashkimit të operatorëve ekonomikë.

Meqenese se paraqitja e dokumentacionit të mësipërm, nuk sjell diskriminim dhe/ose kosto shtesë për operatorët ekonomikë pjesëmarrës, por i shërben autoritetit kontraktor për njohjen e përvojës së duhur të tyre, duke mundësuar zhvillimin normal dhe në kohë të procedurës së prokurimit, pasi nuk ka nevojë që Autoriteti të kërkojë informacione shtesë gjatë vlerësimit të ofertave (në rast mungese të informacionit të sipërcituar), njësia e prokurimit gjykon se kërkimi i dokumentacionit përcaktuar në kushtin e mësipërm është i nevojshëm për vërtetimin e kryerjes së punëve të ngjashme.

2.3.2 Liçensa profesionale lidhur me ekzekutimin e punëve të kontratës

- a) Operatori Ekonomik duhet të dëshmojë se disponon liçense profesionale për zbatim punimesh në ndërtim, duke përfshirë kategorite e nevojshme për zbatimin e kontratës. Për këtë duhet të paraqesë liçensën përkatëse të shoqërisë, bazuar në formatin e miratuar me Vendim të Keshillit të Ministrave

Nr.42 datë 16.01.2008 “Për Miratimin e Rregullores për kriteret dhe Procedurat e dhënies së licensave profesionale të zbatimit, klasifikimit dhe disiplinimit të Subjekteve Juridike që ushtrojnë veprimtari ndertimi”, i ndryshuar.

Operatori Ekonomik duhet të disponojë Liçencë profesionale të shoqërisë, të vlefshme, për kategoritë e mëposhtme:

- **Kategoria NP-1** Punime germimi ne toke **Klasifikimi B**
- **Kategoria NP-4** Rruge, autostrada, mbikalime, hekurudha, tramvai..... **Klasifikimi A**
- **Kategoria NP-5** Punime nëntoksore, ura e vepra arti **Klasifikimi B**
- **Kategoria NP-7** Ujesjellesa, gazsjellesa, vajsjellesa, vepra kullimi e vaditje **Klasifikimi E**
- **Kategoria NP-9** Punime dhe mbrojtje lumore **Klasifikimi A**
- **Kategoria NP-12** Punime te inxhinierise se mjedisit **Klasifikimi A**
- **Kategoria NS- 9** Punime strukturore speciale **Klasifikimi A**
- **Kategoria NS-16** Ndërtimi i impianteve të ujit të pijshëm dhe pastrimit të tij **Klasifikimi A**
- **Kategoria NS-18** Punime topogjeodezike **Klasifikimi C**
- **Kategoria NS-19** Sistemet kundra zhurmes per infrastrukturen **Klasifikimi C**

Në rastet e mbështetjes në kapacitete të subjekteve të tjera / Bashkimit të Operatorëve Ekonomikë, secili anëtar i bashkimit duhet t’i disponojë në raport me zërat, përqindjen e marrë përsipër, sipas angazhimit me shkrim / kontratën e bashkëpunimit.

*Shoqëritë e huaja duhet të bëjnë ekuivalentimin / njehsimin e licensave profesionale që disponojnë të lëshuara nga vendi i origjinës, pranë Ministrisë së Infrastrukturës dhe Energjisë, Republika e Shqipërisë. (Rregullorja për kriteret dhe procedurat e dhënies së licensave profesionale të zbatimit, klasifikimit dhe disiplinimit të subjekteve juridike që ushtrojnë veprimtari ndërtimi, e miratuar me VKM-në, Nr.42 datë 16.01.2008). **Mosparaqitja në këtë formë është kusht s`kualifikues.***

Argumentimi: Kërkesat e mësipërme bazohen në nenin 77 pika 1/a dhe 2 të ligjit nr.162/2020 “Për Prokurimin Publik¹” në të cilët përcaktohet: “Autoritetet ose entet kontraktore përcaktojnë kërkesat për kualifikim për operatorët ekonomikë bazuar në: **aftësinë teknike dhe profesionale**;...Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionalë ose tregtarë. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë **se operatorët ekonomikë zotërojnë burimet e nevojshme njerëzore e teknike**, si dhe përvojën e nevojshme për të zbatuar kontratën sipas një standardi të përshtatshëm cilësie”

Në nenin 39 “Kërkesat të veçanta për kontratat për punë publike” pika 6 të VKM Nr. 285 datë 19.05.2021 “Për miratimin e rregullave të Prokurimit Publik” përcaktohet: “Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon: a) **licenca profesionale** të shoqërisë për realizimin e punimeve, objekt i kontratës, të lëshuara nga autoritetet kompetente shtetërore;”

VKM Nr.42 datë 16.01.2008, të ndryshuar, “Për miratimin e rregullores për kriteret dhe procedurat e dhënies së licencave profesionale të zbatimit, klasifikimit dhe disiplinimit të subjekteve juridike, që ushtrojnë veprimtari ndërtimi” (lidhja 2, 3 dhe 4).

Referuar zërave të punimeve që përmban preventivi i punimeve objekt kontrate, në mbështetje të Ligjit Nr.8402 datë 10.09.1998 “Për kontrollin dhe disiplinimin e punimeve të ndërtimit”(të ndryshuar), dhe në zbatim të VKM Nr.42 datë 16.01.2008 “Për miratimin e rregullores për kriteret dhe procedurat e dhënies së licencave profesionale të zbatimit, klasifikimit dhe disiplinimit të subjekteve juridike, që ushtrojnë veprimtari ndërtimi”njësia e prokurimit vlerëson se operatorët ekonomikë pjesëmarrës duhet të disponojnë në liçensën profesionale për zbatimin e punimeve, kategoritë e kërkuara të përcaktuara **sipas llojit dhe nënlojit** të objektit të punimeve, si dhe klasifikimin në nivelet e kërkuara për çdo kategori punimesh, kërkesa të cilat kanë lidhje dhe janë propocionale me objektin e kontratës.

Konkretisht Llojet e licencave dhe klasifikimi i tyre, sipas kategorive dhe niveleve (gërmave) përkatëse janë bërë në përputhje me natyrën e punimeve respektive dhe vlerën e përlllogaritur sipas preventivit të hartuar për këtë objekt.

Sipas VKM Nr. 42 datë 16.01.2008, të ndryshuar :

Kategoria N.P - 1 “Punime gërmimi në tokë” *Konsiderohen gërmimet, sistemimet dhe ndryshimet në volum të tokës, të realizuara me çfarëdo lloj mjeti, pavarësisht nga natyra e terrenit që do të gërmohet ose sistemohet vegjetale, argjilore, ranore, zhavorrishte ose shkëmbore.*

Duke qene se nga perlllogaritjet e preventivit shume volume punimesh jane germime dheu me krah dhe me makineri, perforcime germimi mbushje kanali, etj, te cilat do te kryhen me qellim shtrimin e tubacioneve KUZ, dhe nderkohe kjo kategori punimesh perfshin germime dheu, mbushje e ngjeshje, sistemim te tokes apo tereneve te tjera ku do kaloje projekti, per kete arsye eshte kerkuar qe OE te kete ketë kategori license.

Kategoria N.P-4 “Rrugë autostrada, ura, mbikalime, hekurudha, linja tramvai, metro, hekurudhë me kavo dhe pista aeroportuale. Përfshin në mënyrë të **thjeshtuar rrugët, pavarësisht nga shkalla e tyre e rëndësisë, autostradat, superstradat përfshirë ndërhyrjet në pika të veçanta, tunelet, devijimet nën nivele dhe nëlartësi, parkimet, punime të mureve mbajtëse, hekurudha, metro,**

hekurudhë me kavo, tranvai, pista aeroportuale, sheshet e helikopterëve, sheshet të realizuara me materiale të veçanta, natyrale dhe artificiale, urat, si dhe komplekse karakteristikash teknike, në hekur, betonarme të thjeshtë dhe të paranderrur, parafabrikat ose të prodhuar në objekt. Konsiderohen ndërtime, mirëmbajtje ose ristrukturim i ndërhyrjeve në rrjetin rrugor të nevojshëm për të ndjerë paqëndrueshmërinë mbi “goma”, “hekur”, “zona”, kushdo që të jetë shkalla e rëndësisë, kompletimi i çdo veprë lidhëse, plotësuese ose pajisje edhe e tipit të veçantë, të linjës hekurudhore.

Kjo kategori licence përfshin natyrën e punimeve objekt kontrate dhe i referohet zërave të parashikuara në preventivin e objektit ne te cilin do te ketë nderhyrje ne rruge, punime, prerje asfalti (gjithsej 2832 metra), shtrese asfalto beton, prishje pllaka, asfaltime, etj, si dhe referuar Specifikimeve Teknike dhe Relacionit teknik, ku parashikohet se **rruget ne te cilat do te realizohen nderhyrjet, pas perfundimit te punimeve per KUZ do te kthehen ne gjendjen e meparshme.**

Ne relacionin teknik referohet: “Ndertimi i rrjetit te kanalizimeve do te realizohet ne funksion te objekteve te banimit te fshatrave Gjorice e Siperme dhe Gjorice e Poshtme, Njesia Administrative Gjorice, Bashkia Bulqize. Rrjeti i ri do te ndertohet duke shfrytezuar rruget e ekzistuese te qytetit. Ndertimi i rrjetit te KUZ qe përfshin trasimin e linjes se magjistralit kryesor dhe sekondar eshte sipas planit me te pershtatshem urbanistik duke shmangur sa me shume edhe prishjet ne rruget kryesore dhe carjet ne trup rruge. Duke ditur qe trasimi i rrjetit eshte nje nga proceset me te veshtira dhe me shume pergjegjesi ne projektimin e rrjetit te kanalizimit sepse kostoja e tij perben 70-90% te koston se te gjithe sistemit te kanalizimit, kemi marre parasysh qe per projektimin e rrjetit ne zonen tone. Ne planimetri jane shenuar te gjitha ndertesat ekzistuese, rruget, sheshet dhe pika me ulet e shkarkimit ne te cilin do te shkarkohen kanalizimet qe do i drejtoje per ne ITUN”.

Ne **specifikimet teknike** percaktohet: “Punimet në rrugë dhe trotuare, Puna në rrugë në kantier do të kryhet në seksione të tilla që gjatësia e rrugës e zënë në çdo kohë nuk e kalon atë të shprehur në kontratë dhe gjerësia e rrugës e zënë në çdo kohë nuk e kalon gjerësinë e një vije kalimi përveç se kur lejohet nga Mbikqyrësi dhe Autoritetet Lokale. Puna në çdo seksion do të përfundojë dhe rruga do të rivendoset dhe të hapet për trafikun para fillimit të punimeve në seksionin tjetër. Puna në çdo seksion, duke përfshirë ngarkimin dhe shkarkimin, do të kryhen në mënyrë të tillë që trafiku dhe shërbimet në rrugët e afërta dhe trotuaret të qëndrojnë në mënyrë adekuate”

Si dhe: Rrugët, trotuaret dhe objektet e tjera të ndikuara nga rregullimi dhe kontrolli i përkohshëm i trafikut do të rivendosen në gjendjen ekzistuese para fillimit të punimeve ose në një gjendje tjetër që mund të jetë miratuar ose udhëzuar nga Mbikqyrësi. Duke patur parasysh keto punime qe do realizohen ne rruget qe pershkon projekti, eshte kerkuar qe OE te kete kete kategori license.

Kategoria N.P-5 “Punime nentoksore, ura e vepra arti”. Ndërtime, mirëmbajtje ose ristrukturime, me anë të përdorimit të mjeteve teknike speciale, të ndërhyrjeve nëntoke që janë të lidhura me ndjeshmërinë e lëvizshmërisë mbi “goma” ose mbi “hekur”, kushdo që të jetë shkalla e rëndësisë, kompletimi i çdo veprë lidhëse, plotësime ose pajisje, në pika të veçanta ose në rrjet, rrugët hyrëse të çdo shkalle rëndësie, devijimet në nivele dhe në lartësi, punime të mureve mbajtëse. Përfshin në mënyrë të thjeshtuar galeritë natyrore, shpime, kalime nëntoksore, tunele.

Kjo kategori licence përfshin natyrën e punimeve objekt kontrate dhe i referohet zërave të parashikuara në preventivin e punimeve të këtij objekti duke patur parasysht edhe relacionin teknik i cili percakton se “Thelletesite e pusetave do variojnë nga 1.2 m minimum dhe thelletesite e kanaleve që do të hapen për të shtruar tubacionet”.

Kategoria N.P-7 “Ujësjellës, gazsjellës, vajsjellës, vepra kullimi e vaditje” *Konsiderohen ndërtime, mirëmbajtje ose ristrukturime me ndërhyrje në rrjet që janë të nevojshme për realizimin “e shërbimit hidrik kompleks” ose për transportimin në vendet e përdorimit të gazrave, vajrave dhe veprave lidhëse, plotësuese ose ndihmëse edhe në pika të veçanta si edhe në të gjitha impiantet mekanik të nevojshme për të pasur një shërbim të mirë të nevojshëm gjatë përdorimit, funksionimit, informimit, sigurisë dhe asistencës për një funksionim normal.* Përfshin në mënyrë të thjeshtuar *veprat e kaptazhit të ujit, impiantet e trajtimit të ujit të pishëm, ujësjellsat, kullat e ujit, stacionet e pompimit, depozitat në tokë ose të ngritura, rrjetin shpërndarës deri tek përdoruesi, furnizimi dhe vendosja në vepër e tubacioneve, shkarkimet e ujërave të zeza, si dhe trajtimin e ujërave të përdorura.*

Kjo kategori licence i referohet se pari objektit të kontratës dhe se dyti punimeve të parashikuara në preventiv, konkretisht furnizim vendosje tuba KUZ, furnizim vendosje puseta kontrolli, tuba celiku, furnizim vendosje tuba e rakorderi ujesjellesi etj.

Kategoria N.P.9 Punime mbrojtje lumore, sistemime hidraulike dhe bonifikime. Konsiderohen ndërtime, mirëmbajtje ose ristrukturime me ndërhyrje të sakta ose në rrjet, si do që të jenë realizuar, të nevojshëm për sistemimin e rrjedhjes së ujërave natyrore ose artificiale si edhe për mbrojtjen e territorit nga këto ujëra, të kompletuara me punimet lidhëse të nevojshme. **Përfshin në mënyrë të thjeshtuar kanale lundruese, grykëderdhjet e lumenjve, konsolidimin e strukturave të anëve të lumenve dhe përrenjve, argjinatura të llojeve të ndryshme, sistemimin dhe vendosjen e rregjimit hidraulik të ujërave sipërfaqësore të veprave të diafrangmave të argjinaturave dhe qëndrueshmërisë së shpateve.**

Kjo kategori është vendosur duke patur parasysht terrenin në të cilin do të kalojë projekti si dhe specifikimet teknike ku percaktohet :

“Vendet e shkarkimit të kullimeve të përkohshme dhe sistemeve të pompimit do të jene siç janë miratuar nga Mbikëqyrësi. Kontraktori do të marrë të gjitha masat dhe të marrë miratimet e nevojshme dhe inspektimet nga autoritetet **përkatëse për shkarkimin e ujërave në kanale, rrjedha uji ose në det**. Punimet përkatëse nuk do të fillojnë para kryerjes së rregullimeve të miratuara për heqjen e ujërave. Do të merren masa për të parandaluar përmbytjet e strukturave të reja dhe ekzistuese”.

Kategoria NP-12 Punime të inxhinierisë së mjedisit. Konsiderohen ndërtime, mirëmbajtje ose ristrukturime të veprave dhe punimeve të veçanta ose të shpërndara në territor, dhe vlerësimit të kompaktësimit të zhvillimit të qëndrueshëm të ekosistemit, përfshirë të gjitha veprat dhe punimet e nevojshme për aktivitet botanik dhe zoologjik. Përfshin në mënyrë të thjeshtuar procesin e riaftësimit natyror, botanik, faunistik, konservimin dhe riaftësimin e terrenit të përdorur për karriera e gurorë, dhe të bazeneve hidrografike, eliminimin e prishjes së ekuilibrit hidrogjeologjik nëpërmjet kthimit në toka buke të veprave për stabilizimin e shpatëve dhe ripyllëzimeve të punimeve të sistemit bujqësor dhe të veprave për rivegjetizimin e skarpateve rrugore, hekurudhor të karriera dhe mbetjeve inerte.

Kjo kategori license është vendosur duke patur parasysh se punimet duhet të kryhen me kujdes për të mos prishur strukturën e tokës, rehabilitimi i tokës do të kryhet pas punimeve të ndërtimit si edhe depozitimi i mbetjeve nga germimet apo prishjet në vendodhjet e përcaktuara.

Sipas parashikimit në specifikimet teknike “Punimet do të kryhen në një mënyrë të tillë që, për aq kohë sa të jetë e arsyeshme dhe praktike, të mos ketë dëmtime ose të mos ndërhyhet në sa më poshtë, me përjashtim të dëmeve të tilla që kërkohen për ekzekutimin e punimeve: a) Rrjedhat e ujërave dhe sistemet e kullimit, b) Shërbimet, c) Strukturat, rrugët duke përfshirë objektet e vendosura në to, ose prona të tjera, d) Mjete publike ose private ose kalime këmbësorësh, dhe Peme, varre dhe varreza

Qellimi i këtij projekti i cili është ndërtimi i Rrjetit KUZ si dhe grumbullimi dhe largimi i ujërave të ndotura, nëpërmjet vaskave dekantuese. Duke qenë se kemi të bëjmë me rrjet të kanalizimeve të ujërave të zeza KUZ të cilat janë specifike dhe përmbajnë edhe trajtimin e ujërave të ndotura etj , konkludohet se të gjitha këta elemente kanë ndikim dhe impakt në mjedis ndaj është e domosdoshme që OE të ketë kategori license **Kategoria NP-12.**

N.S- 9 Punime strukturore special Konsiderohet ndërtimi i objektit i destinuar për transmetim ngarkese të realizuar në terrene jo të përshtatshme për mbajtjen e këtyre ngarkesave, të objekteve të destinuara për t’u ndërtuar në terrene rezistente dhe jo të deformueshme, por me parashikime të lëvizjeve gjeologjike, të objekteve me karakter antisizmik të strukturave ekzistuese.

Përfshin në mënyrë të thjeshtuar zbatimin e pilotave të çfarëdolloj tipi, të themeleve nëntokësore me pilota ose me mure mbajtëse, me ankorim, të objekteve që duhet të rivlerësohen nga funksioni statik i strukturës, me zbatim të punimeve nëntokësore me mjete speciale, përfshirë edhe marrjen e kampioneve për analiza laboratorit nga pikëpamja gjeoteknike, gjithashtu të provave me ngarkesë, të sondave të veprave që sigurojnë qëndrueshmërinë e shpateve, konsolidimin e terreneve.

Kjo kategori licence është vene duke patur parasysh terrenet në të cilat do të kalojë projekti duke patur parasysh elementet e preventivit si puseta, puse etj, gërmimet e kanaleve deri në tre metra thellesi etj.

Kategoria N.S.- 16 Ndërtimi i impianteve të ujit të pijshëm dhe pastrimit të tij, Konsiderohet ndërtimi, mirëmbajtja, ristrukturimi i impianteve të ujit të pijshëm të ujërave që duhen pastruar, përfshirë edhe grumbullimin e biogazit dhe të prodhimit të energjisë elektrike ekompletuar me çdo punim të lidhur me muraturën, plotësues ose ndihmës, të veçanta ose në rrjet.

Kjo kategori licence i referohet ndërtimit të impianteve vaskave biologjike betoni dhe Polietilen IMHOFF të cilat janë reaktor biologjik, procesi i kolektorit të llumit, sedimentimi dhe derdhja me pas në lume e ujërave të trajtuara.

Kategoria NS 18 Punime topogjeodezike. Kjo pikë licence përfshin në mënyrë të thjeshtuar zbatimin e rievimeve topografike speciale që kërkojnë mjete dhe organizim të veçantë, punime topogjeodezike në objekte inxhinierike etj. Gjithashtu është vendosur në përputhje me punimet që do të realizohen bazuar në projektin e zbatimit dhe parashikohen në preventivin e punimeve.

Konkretisht kjo kategori licence është e domosdoshme për piketimet e kanaleve që do të gërmohen dhe sistemimeve topografike. Është kërkuar sipas parashikimeve në relacionin teknik dhe specifikimet teknike.

Niveli i klasifikimit i kërkuar për kategoritë respektive është kërkuar bazuar në zërat e punimeve që parashikohen të kryhen në preventiv, që përfshihen në kategorinë përkatëse brenda vlerave të kufijve të parashikuara në VKM Nr. 42 datë 16.01.2008, të ndryshuar.

b) Çertifikatat që duhet të paraqesin Operatorët Ekonomikë:

Operatori Ekonomik duhet të paraqesë certifikatat e cilësisë së punimeve, për objektin që prokurohet, sipas standardeve:

- Certificate ISO 9001 - 2015 “Per Sistemin e menaxhimit te cilesise”, objekti i se ciles te jete ne perputhje me objektin e prokurimit.
- Certificate ISO 14001-2015 “Per sistemin e menaxhimit te mjedisit”, objekti i se ciles te jete ne perputhje me objektin e prokurimit.
- Certificate ISO 45001-2018 “Per sistemin e menaxhimit te shendetit dhe sigurimit ne pune”, objekti i se ciles te jete ne perputhje me objektin e prokurimit.
- Certificate ISO 1452-1:2009 “Per Sistemet e tubacioneve plastike per furnizimin me uje, kullimet dhe kanalizimet nentokesore dhe mbitokesore nen presion” ose ekuivalente me te, objekti i se ciles te jete ne perputhje me objektin e prokurimit.
- Certificate ISO 3834-2: 2006 “Per sistemin e menaxhimit te cilesise ne saldim” ose ekuivalente me te, objekti i se ciles te jete ne perputhje me objektin e prokurimit.
- Certificate ISO BS EN 13331-1: 2002 “Per realizimin e punimeve per veshjet e kanaleve dhe skarpatave te ndryshme”, ose ekuivalente me te, objekti i se ciles te jete ne perputhje me objektin e prokurimit.
- Shenim: Per certifikaten ISO BS EN 13331-1: 2002 Operoret Ekonomike ofertues mund te paraqesin dokument ekuivalent qe standartizon kete norme sipas standarteve shqiptare SSH mbi konformitetin e standartit europian dhe te leshuar nga organizma te vleresimit te konformitetit te akredituara ne Republiken e Shqiperise.
- Nese certifikatat jane ne gjuhe te huaj, ato te paraqiten te perkthyer dhe te noterizuara ne gjuhen zyrtare shqipe. Keto certifikata te jene leshuar nga nje organ i vleresimit te konformitetit i akredituar nga Drejtoria e Pergjithshme e Akreditimit ose nga organizmat nderkombetare akreditues te njohur nga Republika e Shqiperise. Certifikatat duhet te jene te vlefshme ne kohen e zhvillimit te tenderit. Ne rast bashkimi te operatorëve ekonomikë, secili operator ekonomik duhet te dorëzojë certifikatat e mesiperme sipas natyres se punimeve qe do te marre persiper te realizoje, referuar kontrates se bashkepunimit te nenshkruar.

Argumentimi: Kërkesat e mësipërme bazohen në nenin 77 pika 1/a dhe 2 të ligjit nr.162/2020 “Për Prokurimin Publik¹” në të cilët përcaktohet: “Autoritetet ose entet kontraktore përcaktojnë kërkesat për kualifikim për operatorët ekonomikë bazuar në: **aftësinë teknike dhe profesionale**;...Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionalë ose tregtarë. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë **se operatorët ekonomikë zotërojnë burimet e nevojshme njerëzore e teknike**, si dhe përvojën e nevojshme për të zbatuar kontratën sipas një standardi të përshtatshëm cilësie”

Në nenin 44 “Kërkesat e cilësisë” të VKM Nr.285 datë 19.05.2021 përcaktohet: “Autoriteti/enti kontraktor, për të vërtetuar se punët, mallrat ose shërbimet, objekt prokurimi, i plotësojnë kërkesat e cilësisë, mund t’u kërkojë ofertuesve të paraqesin **çertifikata të** lëshuara nga një organ i vlerësimit të konformitetit, i akredituar nga organizmi kombëtar i akreditimit ose organizma ndërkombëtarë akreditues, të njohur nga Republika e Shqipërisë, vetëm nëse ato janë të argumentuara dhe të lidhura ngushtësisht dhe në mënyrë të drejtpërdrejtë me objektin e prokurimit.”

Me anë të këtij kriteri kërkohet që operatorët ekonomikë të dëshmojnë se plotësojnë standartet e kërkuara të cilësisë, standartet për shëndetin dhe sigurinë në punë si dhe standartet e menaxhimit të mjedisit.

Në mbështetje të përcaktimeve ligjore dhe nënligjore të sipërcituara, autoriteti kontraktor vlerëson se:

Autoriteti kontraktor gjykon se operatorët ekonomikë pjesëmarrës duhet të plotësojnë kërkesat e standarteve në lidhje me garantimin e cilësisë së punimeve objekt kontrate në mënyrë të qëndrueshme, ku referuar natyrës së punimeve që kërkohen të kryhen, njësia e prokurimit ka kërkuar çertifikatat e mësipërme për vërtetimin se operatorët ekonomikë i plotësojnë kërkesat e cilësisë për këto punime.

Njësia e prokurimit përcaktoi kriteret si më lart duke qene në përpjesëtim dhe të lidhura ngushtë me objektin e kontratës. Por edhe sepse mbi të gjitha ato i shërbejnë autoritetit tonë kontraktor për njohjen e aftësisë profesionale, organizative, reputacionin dhe besueshmërinë e operatorëve ekonomikë dhe të mundësisë së tyre për përmbushjen me sukses të kontratës.

Konkretisht **Certifikate ISO 9001 - 2015** “Per Sistemin e menaxhimit te cilesise”, mundëson që shoqëria të punojë me standarte e cilësi e cila mundëson implikimin në menaxhim, identifikimin e riskut dhe mundësive, sigurimin e konkurrencës për personelin e shoqërisë, mirëmbajtja e pajisjeve dhe infrastrukturës, etj.

Certifikate ISO 45001-2018 “Per sistemin e menaxhimit te shendetit dhe sigurimit ne pune” mundëson që çdo kompani duhet të mbrojë shëndetin dhe sigurinë në punë për të gjithë punonjësit, e cila përfshin vlerësimin e rreziqeve të aksidenteve në punë, vendosjen e masave në fushën e shëndetit dhe sigurisë, inkurajimin e pjesëmarrjes së punonjësve në përpjekjet për të përmirësuar kushtet e punës, zbatimin e masave për të zvogëluar rreziqet e aksidenteve dhe sëmundjeve si dhe hetimin e incidenteve etj.

Certifikate ISO 1452-1:2009 “Per Sistemet e tubacioneve plastike per furnizimin me uje, kullimet dhe kanalizimet nentokesore dhe mbitokesore nen presion” duke patur parasysh zerat e preventivit i cili ne pjesen me te madhe te zerave ka shtrimet e tubave HDPE dhe PE.

Certifikate ISO BS EN 13331-1: 2002 “Per realizimin e punimeve per veshjet e kanaleve dhe skarpatave te ndryshme”.

c) Ne perputhje me kerkesat dhe dimensionet e publikuara nga Autoriteti Kontraktor ne specifikimet teknike dhe projekt preventiv, per materialet hidraulike:

- **Tuba te brinjezuar HDPE SN8**
- **Tuba dhe rakorderi ujesjellesi PE 100PN10**

Operatori Ekonomik duhet te paraqese:

1. Autorizim te Prodhuesit / ve ose autorizim nga Distributor i autorizuar prej Prodhuesit ose Marrëveshje bashkëpunimi të zyrtarizuar, e cila të tregojë lidhjen midis ofertuesit dhe prodhuesit ose midis ofertues-distributor-prodhues për listën e mësipërme të mallrave lidhur jo më parë se data e publikimit të procedurës së prokurimit. Autorizimi / Marrëveshja e bashkëpunimit duhet te permbaje te dhena te plota te prodhuesit si: Telefon, fax, e-mail, website, e nevojshme per Autoritetin Kontraktor ne rast verifikimi nga ana e tij. Ne rast te disponimit te autorizimit te prodhuesit ne gjuhe te huaj, ky dokument te paraqitet i perkthyer dhe i noterizuar ne gjuhen zyrtare shqipe.
2. Katalogun / et ose fragmente te katalogut/eve e prodhuesit / ve per listen e mesiperme te artikujve ne te cilet te tregohen dhe te specifikohen qarte materialet qe do te ofrohen. Shenim: Fragmentet e Katalogut / ve duhet te tregojne lehtesisht dhe qarte qe jane pjese katalogu, si dhe cilit katalog dhe cilit prodhues i perkasin.
3. Të gjitha materialet e mesiperme duhet të jenë sipas Standarteve Europiane si dhe të prodhuara nga prodhues të certifikuar me ISO 9001 dhe / ose të pajisur me Çertifikatë konformiteti për produktet e kërkuara. Tubat HDPE duhet te jene me certifikate akreditimi nga laboratorit.

Argumentimi: Paraqitja e ketyre dokumenteve eshte vlerësuar nga njesia e prokurimit pasi duke qënë se në objektin e prokurimit kemi të bëjmë me blerjen e materialeve dhe pajisjeve që do të vendosen në punimet objekt kontrate, bazuar në dispozitat e sipërcituara dhe referuar nenit 40 pika 6 të VKM-së Nr.285 datë 19.05.2021 “Për Miratimin e Rregullave të Prokurimit Publik”, duhet që këto materiale e pajisje të plotësojnë parametrat dhe standartet e kërkuara në specifikimet teknike e përcaktuara në objektin e kontratës, ku për vërtetimin e përmbushjes së tyre, duhet të

paraqitet dokumentacioni i kërkuar si: *Autorizim prodhuesi ose distributorin, katalogët ose pjesë të tyre, dëshmitë e testimëve të kryera*, me qëllim realizimin me sukses të kontratës.

2.3.3 Operatori ekonomik pjesëmarrës, për realizimin e punimeve objekt kontrate, duhet të disponojë stafin kryesor e mbështetës, punonjësit specialistë dhe çertifikimet përkatëse, si më poshtë:

a) Operatori Ekonomik duhet të ketë punësuar mesatarisht të paktën **100 (njqind)** punonjes për periudhën e 3 (tre) muajve të fundit duke marrë si reference datën e hapjes së tenderit.

Eshtë e mjaftueshme paraqitja e deklaratës, sipas shtojcës Nr.8. Ndersa Operatori Ekonomik fitues, përpara publikimit të njoftimit të fituesit dhe nisjes së afateve të ankimit, sipas përcaktimeve të bëra në pikën 6, të nenit 26, të VKM Nr.285 datë 19.05.2021 “Për miratimin e rregullave të prokurimit publik” të ndryshuar, duhet të dorëzojë dokumentacionin:

- Vërtetim të lëshuar nga administrata tatimore sipas formatit që kërkohet nga legjislacioni në fuqi, ku te specifikohet numri i punonjësve për secilin muaj për periudhën e mesiperme.
- Listë pagesat e punonjësve sipas formatit që kërkohet nga legjislacioni në fuqi, te paraqitura dhe te konfirmuara nepermjet formes elektronike nga organet tatimore për periudhën e mesiperme.

b) Operatori Ekonomik duhet të ketë të punësuar për kryerjen e të gjitha punimeve në këtë objekt, **Drejtuesit Teknik** si më poshte:

- | | |
|---|---------|
| • Inxhinier Hidroteknik | 2 (dy) |
| • Inxhinier Ndertimi | 2 (dy) |
| • Inxhinier Ndertimi, profili infrastukture/ura | 1 (nje) |
| • Inxhinier Elektrik | 1 (nje) |
| • Inxhinier Gjeodet / Topograf | 1 (nje) |
| • Inxhinier Mjedisi | 1 (një) |
| • Inxhinier Mekanik | 1 (një) |
| • Inxhinier Gjeolog | 1 (një) |

Kur oferta paraqitet nga një bashkim operatorësh, ky kusht, plotësohet nga të gjithë anëtarët e bashkimit, në raport me përqindjen (elementët konkretë) e pjesëmarrjes së tyre në bashkim.

Drejtesit Teknik te jene te përfshirë në licencën e shoqërisë, të figurojnë në listëpagesa për të paktën 3 (tre) muajt e fundit, nga data e hapjes se tenderit, te kene kontrate pune te vlefshme, të deklarojne se nuk jane te angazhuar në kontrata të tjera dhe se do të jenë te pranishëm gjatë gjithë kohës që do të kryhen punimet në objekt.

Operatori Ekonomik, permbushjen e ketij kriteri duhet ta përcaktojë me anë të një deklaratë nga administratori i shoqërisë per personelin kryesor, Drejtesit Teknik të punimeve në objekt.

Autoriteti Kontraktor rezervon të drejtën të verifikojë vërtetësinë e deklaratës. Në rast deklarimi te rreme do të vepohet në përputhje me parashikimet e Ligjit Nr.162/2020 “Për Prokurimin Publik”.

Eshtë e mjaftueshme paraqitja e deklaratës, sipas Shtojcës Nr.8. Ndersa Operatori Ekonomik fitues, përpara publikimit të njoftimit të fituesit dhe nisjes së afateve te ankimit, sipas përcaktimeve të bëra në pikën 6, të nenit 26, të VKM Nr.285 datë 19.05.2021 “Për miratimin e rregullave të prokurimit publik” të ndryshuar, per Drejtesit Teknik duhet te dorezoje dokumentacionin:

- Kontratë pune e vlefshme gjate gjithe kohes se zbatimit te punimeve objekt kontrate
- Diplomë profesionale
- CV
- Libreze pune
- Kartela personale të sigurimit teknik të vlefshme te lëshuara nga Inspektoriati Shtetëror Teknik dhe Industrial apo nga subjekte juridike private të akredituara për çertifikimin e punonjësve sipas parashikimeve te Ligjit Nr.8734 datë 01.02.2001 dhe Ligjit Nr. 13/2013.

c) Operatori Ekonomik per te realizuar objektin e prokurimit, duhet të ketë në stafin e tij inxhinierik të cilet te figurojnë në listëpagesa për të paktën 3 (tre) muajt e fundit, nga data e hapjes se tenderit, te pakten:

- Inxhinier Hidroteknik 1 (nje)
- Inxhinier Pyjesh 1 (nje)

Kur oferta paraqitet nga një bashkim operatorësh, ky kusht, duhet te plotësohet te pakten nga njeri nga anëtarët e bashkimit, i cili merr persiper kryerjen e punimeve te kesaj kategorie.

Eshtë e mjaftueshme paraqitja e deklaratës, sipas Shtojcës Nr.8. Ndersa Operatori Ekonomik fitues, përpara publikimit të njoftimit të fituesit dhe nisjes së afateve te ankimit, sipas përcaktimeve të bëra në pikën 6, të nenit 26, të VKM Nr.285 datë 19.05.2021 “Për miratimin e rregullave të prokurimit publik” të ndryshuar, per stafin e inxhinierëve te sipercituar, duhet te dorezoje dokumentacionin:

- Kontratë pune e vlefshme gjate gjithë kohës së zbatimit të punimeve objekt kontrate;
- Diplomë profesionale;
- Libreze pune;
- Kartela personale të sigurimit teknik të vlefshme të lëshuara nga Inspektoriati Shtetëror Teknik dhe Industrial apo nga subjekte juridike private të akredituara për certifikimin e punonjësve sipas parashikimeve të Ligjit Nr.8734 datë 01.02.2001 dhe Ligjit Nr.13/2013.

d. Operatori Ekonomik duhet të ketë të punësuar stafin teknik të përbërë nga të paktën **51** (pesëdhjetë e një) punonjës të specializuar dhe të certifikuar sipas profesionit që kryejnë dhe të pasqyruar në liste pagesat e shoqërisë për periudhën të paktën 3 (tre) muajt e fundit nga data e hapjes së tenderit, me profesionet si më poshtë:

- **3 (tre) Hidraulike**, shoqëruar me kontratë pune të vlefshme dhe diplomë profesionale / dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”.
- **3 (tre) Teknike ndertimi**, shoqëruar me kontratë pune të vlefshme dhe diplomë profesionale/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”
- **6 (gjashtë) specialiste karpentier** shoqëruar me kontratë pune të vlefshme dhe diplomë profesionale/ dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”.
- **5 (pese) specialist hidroizolues** shoqëruar me kontratë pune të vlefshme dhe diplomë profesionale/ dëshmi që vërteton nivelin e kualifikimit arsimor, lëshuar nga institucione publike / private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”
- **6 (gjashtë) punonjës** të specializuar për bashkimin e tubave si dhe për instalime të materialeve polietilen (PE) shoqëruar me kontratë pune të vlefshme, dhe diplomë profesionale / dëshmi që vërteton nivelin e kualifikimit arsimor, lëshuar nga institucione publike/private të licencuara sipas Ligjit Nr.15/2017 “Për arsimin dhe formimin profesional në Republikën e Shqipërisë”;

- **6 (gjashte) hekurkthyes** shoqëruar me kontratë pune të vlefshme dhe diplomë profesionale/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”.
- **2 (dy) saldatore** te shoqëruar me kontratë pune të vlefshme, **license / certifikim si saldatore** dhe diplomë profesionale / dëshmi që vërteton nivelin e kualifikimit arsimor, lëshuar nga institucione publike/private të licencuara sipas Ligjit Nr.15/2017 “Për arsimin dhe formimin profesional në Republikën e Shqipërisë”;
- **6 (gjashte) muratore,** te shoqëruar me kontratë pune të vlefshme dhe diplomë profesionale/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”.
- **2 (dy) mekanike,** shoqëruar me kontratë pune të vlefshme dhe diplomë profesionale/dëshmi që vërteton nivelin e kualifikimit arsimor, lëshuar nga institucione publike/private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”.
- **3 (tre) shofere** për drejtimin e mjeteve kamiona, shoqëruar me kontratë pune te vlefshme dhe leje drejtimi me kategorine ”C” dhe/ose ”CE” dhe/ose ”D” dhe/ose ”DE” leshuar nga Drejtoria e Pergjithshme e Sherbimit te Transportit Rrugor.
- **1 (nje) Punonjes** i pajisur me Certificate Kompetence Profesionale ne transportin rrugor brenda dhe jashte vendit te mallrave, leshuar nga DPSHTRR.

Kur oferta paraqitet nga një bashkim operatorësh, ky kusht, plotësohet nga të gjithë anëtarët e bashkimit, në raport me përqindjen (elementët konkretë) te pjesëmarrjes së tyre në bashkim sipas kontrates se bashkepunimit te nenshkruar.

- **Eshtë e mjaftueshme paraqitja e deklaratës sipas Shtojcës Nr.8. Ndersa Operatori Ekonomik fitues, përpara publikimit të njoftimit të fituesit dhe nisjes së afateve të ankimit, sipas përcaktimeve të bëra në pikën 6, të nenit 26, të VKM Nr.285 datë 19.05.2021 “Për miratimin e rregullave të prokurimit publik” të ndryshuar, duhet te dorezoje dokumentacionin si me poshte:**

- Kontratë pune e vlefshme gjate gjithë kohës së zbatimit të punimeve objekt kontrate.
- Diplomë profesionale / dëshmi që vërteton nivelin e kualifikimit arsimor, lëshuar nga institucione publike / private të licencuara sipas ligjit Nr.15/2017 “Për arsimin dhe formimin profesional në Republikën e Shqipërisë”;
- Për specialistet e mesiperm (*me përjashtim të punonjësve shofere*) të paraqiten Kartela personale të sigurimit teknik të vlefshme të lëshuara nga Inspektoriati Shtetëror Teknik dhe Industrial apo nga subjekte juridike private të akredituara për çertifikimin e punonjësve sipas parashikimeve të Ligjit Nr.8734 datë 01.02.2001 dhe Ligjit Nr. 13/2013.

e. Operatori Ekonomik duhet të ketë të pakten :

- **8 (tete) Manovratore / Eskavatoriste / Automakinist**

Te cilët mund të jenë pjesë e stafit ose të kontraktuar me kontratë pune / shërbimi, për realizimin e objektit të prokurimit me afat deri në perfundimin e kontratës.

Eshtë e mjaftueshme paraqitja e deklaratës sipas Shtojcës Nr.8. Ndërsa Operatori Ekonomik fitues, përpara publikimit të njoftimit të fituesit dhe nisjes së afatit të ankimit, sipas përcaktimeve të bëra në pikën 6, të nenit 26, të VKM Nr.285 datë 19.05.2021 “Për miratimin e rregullave të prokurimit publik” të ndryshuar, duhet të dorëzojë dokumentacionin:

- Dëshmi e aftësisë profesionale për përdoruesit e makinerive të rënda të ndërtimit dhe punimeve në tokë (të vlefshme) lëshuar nga Drejtoria e Përgjithshme e Shërbimit të Transportit Rrugor;
- Kontratë pune / shërbimi të vlefshme;
- Kartele personale të sigurimit teknik të vlefshme të lëshuara nga institucione shtetërore ose nga subjekte juridike private të akredituara për çertifikimin e punonjësve.

f. Operatori Ekonomik duhet të ketë të punësuar si staf mbështetës, të vërtetuar me kontratë pune të vlefshme, diplome (në rast se është inxhinier), dëshmi / çertifikatë trajnimi të lëshuara nga subjekte të akredituar sipas ligjit, si dhe të figurojnë në listpagesat e shoqërisë për të paktën 3 (tre) muajt e fundit nga data e hapjes së tenderit, punonjësit si më poshtë:

- 1 (një) punonjës i pajisur me çertifikatë “Ekspert për ndihmën e parë dhe ndërhyrjen ndaj emergjencave” e cila të jetë e lëshuar nga shoqëri të akredituara ose nga organizma ndërkombëtare akreditues të njohur nga Republika e Shqipërisë. Në rast të Bashkimit të Operatorëve Ekonomikë, sipas nenit 88 të VKM Nr.285 datë 19.05.2021, secili prej

Operatorëve duhet të ketë pjesë të stafit të tij 1 (një) punonjës "Ekspert për ndihmën e parë dhe ndërhyrjen ndaj emergjencave".

- 1 (një) punonjës të certifikuar me deshmë trajnimit si "Përgjegjës për sigurimin teknik dhe shëndetin në punë" të leshuar nga organizmat e vlerësimit të konformitetit të akredituara nga DPA ose nga organizmat ndërkombëtare akreditues të njohur nga Republika e Shqipërisë, kërkesë kjo në përputhje me kërkesat e Ligjit Nr.10327 datë 18/02/2010 "Për sigurinë dhe shëndetin në punë" dhe V.K.M Nr. 312 datë 05.05.2010 "Për miratimin e rregullores për sigurinë në kantier". Në rast të Bashkimit të Operatorëve Ekonomikë, sipas nenit 88 të VKM Nr.285 datë 19.05.2021 secili prej operatorëve ekonomike duhet të ketë pjesë të stafit të tij 1(një) "Përgjegjës për sigurimin teknik dhe shëndetin në punë".
- 1 (një) specialist Ekspert Zjarrfikës në fushën e mbrojtjes nga zjarri dhe për shpëtimin, në mbështetje të pikës 4 të nenit 49 të Ligjit Nr.152/2015 "Për shërbimin e mbrojtjes nga zjarri dhe për shpëtimin", të pajisur me çertifikate të leshuar nga Drejtoria e MZSH.

Argumentimi: Kërkesat e mësipërme bazohen në Nenin 77 të Ligjit Nr.162/2020 "Për Prokurimin Publik" në të cilin parashikohet: "1.Autoritetet ose entet kontraktore përcaktojnë kërkesat për kualifikim për operatorët ekonomikë bazuar në: **c) aftësinë teknike dhe profesionale.** Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë **burimet e nevojshme njerëzore e teknike**, si dhe përvojën e nevojshme për të zbatuar kontratën sipas një standardi të përshtatshëm cilësie. **Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.** Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, **si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.**"

Në nenin 39 "Kërkesat të veçanta për kontratat për punë publike" pika 6 dhe 8 të VKM Nr. 285 datë 19.05.2021 "Për miratimin e rregullave të Prokurimit Publik" parashikohet: "Për të provuar përshtatshmërinë për të kryer veprimtarinë profesionale, kapacitetet teknike e profesionale, autoriteti/enti kontraktor kërkon: **b) një listë të personelit kryesor, të nevojshëm për të zbatuar**

objektin e prokurimit dhe/ose komponentët e saj. Lista e personelit kryesor duhet të përfshijë CV-të e tyre dhe licencat profesionale, kur kanë të tilla sipas legjislacionit përkatës; dhe /ose c) fuqinë punëtore të operatorit ekonomik të nevojshëm për ekzekutimin e objektit të prokurimit;

Autoriteti/enti kontraktor, përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës.”

Gjithashtu, me qëllim ndërtimin e objektit të vepres sipas projektit, në përputhje me kushtet teknike të zbatimit, specifikimeve teknike, sigurimit teknik dhe mbrojtjen në punë, duke qënë se vlera e preventivuar për punimet që do të kryhen është mbi 30,000,000 milion në zbatim të Udhëzimit Nr.2 datë 13.05.2005 “Për zbatimin e punimeve të ndërtimit”, njësia e prokurimit vlerëson që operatori ekonomik duhet të përcaktojë me anë të një deklarate Drejtuesin Teknik të punimeve në objekt, të përfshirë në liçensimin e shoqërisë, si dhe të deklarojë se do të jetë i pranishëm gjatë gjithë kohës që do të kryhen punimet në objekt. Drejtuesi teknik duhet të disponojë kualifikimet e kërkuara, ku për vërtetimin e tyre, duhet të paraqitet dokumentacioni i kërkuar në zbatim të Vendimit të Këshillit të Ministrave Nr.42 datë 16.01.2008 “Për miratimin e rregullores për kriteret dhe procedurat e dhënies së licencave profesionale të zbatimit, klasifikimit dhe disiplinimit të subjekteve juridike, që ushtrojnë veprimtari ndërtimi”.

Kriteri i vendosur për disponimin e numrit minimal prej 100 punonjës, për të paktën 3 muajt e fundit, është në zbatim të nenit 77 pika 4 e LPP-së, dhe nenit 39 pika 6/c, ku numri i punonjësve i kërkuar është në përputhje me përmasat dhe specifikat e kontratës. Në përlllogaritjen e numrit të punonjësve, autoriteti kontraktor ka marrë parasysh numrin e punonjësve që nevojitet për realizimin e objektit si dhe afatin e kryerjes së punimeve të përcaktuar në dokumentat e tenderit prej periudhën 12 muaj duke përfshirë këtu numrin total të punonjësve inxhinierë, teknike, specialiste, punonjës të kualifikuar dhe punetore për punime me krahe, drejtuesit e mjeteve të thjeshta apo të renda etj. Duke qënë se ky objekt përfshin rrjetin e kanalizimeve të ujerave të ndotura si dhe trajtimin e tyre përmes impianteve të trajtimit të ujerave të ndotura për fshatin Gjorice, pjesë të Bashkisë Bulqize si dhe duke u bazuar në grafikun e punimeve, lind nevoja për këte fuqi të përcaktuar punetore.

Me anë të këtij kriteri kërkohet që operatorët ekonomikë të dëshmojnë që kanë personelin e nevojshëm të kualifikuar për realizimin me sukses të kontratës.

Konkretisht:

Kriteri për stafin drejtues teknik, lidhet ngushtësisht me objektin e kontratës dhe zërat e punimeve. Nevoja për inxhinierët në objekt është e diktuar nga përvoja dhe legjislacioni për punimet e ndërtimit. Mungesa e këtij stafi pothuajse në çdo rast rezulton në realizim jashtë afatit, jashtë normave dhe me cilësi të dobët të objekteve. Numri i stafit kryesor teknik është përcaktuar nga

pikëpamja e natyrës teknike të kontratës me qëllimin për të patur një rezultat sa më të mirë në mbarëvajtjen dhe zbatimin e punimeve. **Drejtuesi teknik është përgjegjës** për ndërtimin në përputhje me kushtet teknike të zbatimit, sigurimin teknik dhe mbrojtjen në punë brenda kushteve të kontratës.

Referuar natyrës dhe përmasave të kontratës objekt prokurimi, me qëllim ndërtimin e investimit tejet të rëndësishëm sipas projektit në përputhje me kushtet teknike të zbatimit, dhe **vërtetimin e aftësisë organizative, përvojën e duhur, si dhe personelin e nevojshëm për të zbatuar kontratën**, njësia e prokurimit referuar zërave të punimeve që do të kryhen objekt kontrate, **vlerëson se operatorët ekonomikë pjesëmarrës duhet të disponojnë stafin e drejtuesve teknik (inxhinierët) me kualifikimet e kërkuara**. Kërkesa specifike për inxhinierët e kërkuar është përcaktuar në kuadër të analizës që i është bërë preventivit të punimeve (nga ku përcaktohet qartazi dhe profili inxhinierik), ku më hollësisht parashtrahet:

Inxhinieri Hidroteknik është përgjegjës për zbatimin e saktë të punimeve voluminoze hidraulike lidhur me zërat e preventivave të punimeve seksioni “Punime hidroteknike”.

Inxhinier Gjeodet / Topograf është përgjegjës për kontrollin e piketimeve të germimeve për realizimin e hapjes së kanalit. Gjithashtu edhe referuar relacionit teknik të objektit është përcaktuar: **Punimet duhet të zbatohen rreptësisht me inxhinier gjeodet ose topograf të licensuar për aftësitë e tij në punime zbatimi, sipas planimetrisë dhe profileve gjatësorë**, në prezencë të investitorit dhe supervizorit.

Si dhe specifikimeve teknike ku përcaktohet:

Punimet do të zbatohen **rreptësisht nën mbikqyrjen e një topografi dhe një inxhinieri hidroteknik**, sipas planimetrisë dhe profileve gjatësorë, në prezencë të investitorit dhe supervizorit

Është kërkuar Inxhinier Mjedisi pasi:

Aktiviteti është menduar të kryhet në përputhje me kërkesat mjedisore, si dhe për ndërtimin e rrjetit KUZ i cili duhet të jetë në përputhje me kriteret për mbrojtjen e mjedisit pra për zbatimin e projektit nevojitet eksperiencia profesionale e Inxhinierit të Mjedisit.

Është kërkuar Inxhinier elektrik pasi realizimi i furnizimit me energji elektrike në kantier si me kontraktim me OSSH **kur lidhjet me rrjetin lokal janë të mundura ose duke përmesur kërkesat me gjeneratorin e vet (sipas specifikimeve)**. Gjithashtu për të bërë monitorimin gjatë procesit të germimit në zonë në rastin e hasjeve të rrymave të uletë. Inxhinieri Elektrik do të shërbejë dhe për zbatimin e saktë të punimeve të parashikuar në preventiv F.V. në tokë kabllo Cu fuqie, Kabëll XPLE 20 KV AI 1x185 etj elemente këto të preventivit .

Eshte kerkuar te kete ne staf edhe **Inxhinier Ndërtimi** i cili është përgjegjës për zbatimin e saktë të punimeve të objektit që prokurohet për secilin nga zërat e punimeve ndërtimore, referuar preventivave të punimeve, rehabilitimin e rrugeve për të kthyer ato në gjendjen e mëparshme funksionale si dhe kontrollit të punimeve të betonit të pranishme në preventiv si: ndërtim mure betoni prishje mure betoni, puseta beton arme, rikonstrukcion pusete etj.

Eshte kerkuar te kete ne staf edhe **Inxhinier gjeolog**, autoriteti kontraktor gjykon në lidhje me terrenin dhe shtresat e ndryshme gjeologjike që prek ai si dhe **duke patur parasysh relacionin teknik** i cili përcakton **”Për efekt të relievit i cili ndërthur kuotat e larta të zonës së Gjorices së Siperme dhe pjesën Fushore të Gjorices së Poshtme, zgjidhja është realizuar përmes disa skemave të vecanta të kanalizimeve”**.

Eshte kerkuar te kete ne staf inxhinier pyjesh duke patur parasysh zërat e preventivit si Shkulje rrenjeve, bimeve të vogla në sipërfaqe 3000 m² dhe furnizim vendosje Shkurre dekorative Juniperus V.18 grup 3 cdo 6.6m.

Eshte kerkuar punonjes i pajisur me Çertifikate Kompetence Profesionale në transportin rrugor brenda dhe jashtë vendit të mallrave, leshuar nga DPSHTRR, për arsye të sigurisë dhe përgjegjësisë rrugore të transportit të mallrave (tubove dhe vaskave biologjike) që merren nga importi ose tregu vendas.

Në lidhje me kriterin për disponimin e numrit minimal prej 51 punonjës të specializuar dhe të certifikuar është një kërkesë në përputhje me natyrën dhe përmasat e kontratës që do të prokurohet. Referuar natyrës së punimeve, ku kryesisht kemi të bëjmë me punimet për KUZ, shtrirjen e tubave HDPE dhe Tubave e rakorderi ujësjetlesi PE përgjatë gjithë kësaj linje, kërkohet që këto punonjës të jenë me specialitetin hidraulik, ku referuar llojit të punimeve që kërkohen të kryhen, njësia e prokurimit ka përcaktuar kërkesat minimale për punonjësit e kualifikuar që duhet të disponojnë operatorët ekonomikë për realizimin e këtij objekti.

Jane kerkuar punonjes te specializuar dhe te certifikuar me qëllim ndërtimin e investimit tejet të rëndësishëm sipas projektit në përputhje me kushtet teknike të zbatimit, dhe **vërtetimin e aftësisë organizative, përvojën e duhur, si dhe personelin e nevojshëm për të zbatuar kontratën,**

Konkretisht janë kerkuar

- **Hidraulike**, të cilët sic parashtruar më lart janë të nevojshëm për ndjekjen dhe realizimin e punimeve hidraulike, sipas zërave të preventivit të punimeve ku punimet hidraulike zënë pjesën më të konsiderueshme të punimeve të kontratës.
- **Teknike ndërtimi dhe muratore**, që do jenë të nevojshëm për ndjekjen e realizimit të punimeve të ndërtimit, sipas zërave të preventivave të punimeve. duke patur parasysh punime

ndertimore qe do te kryhen si: ne ndërtimin e mureve me palankola të përkohshme ose të përhershme, muret e soletave prej betoni , Muret me pilota për struktura të përkohshme etj..

- **Specialiste karpentier** jane kerkuar per te realizuar punimet e armatures ne beton duke patur parasysh volumin e madh te punimeve me hekur beton si puseta betoni vaske bilogjike betoni ndertim mure betoni prishje mure blloqe betoni etj (referuar preventivit).
- **Punonjes te specializuar per bashkimin** e tubave kerkohen duke patur parasysh se pjesa me e madhe e punimeve eshte montim tubacionesh te KUZ dhe ne kete rast duhet personel i kualifikuar per realizimin e kontrates. Punonjesit e specializuar per bashkimin e tubave si dhe per instalime te materialeve polietilen (PE) jane kerkuar per kryerjen e punimeve qe kane te bejne me rretin e ujesjellesit dhe bashkimin e tubave PE dhe te pjeseve lidhese te tyre (rakorderive). Po per kete qellim jane kerkuar edhe **saldatore**.
- Punonjes hekurkthyes jane kerkuar per te realizuar kthimet e hekurit, kornizat e hekurit ne armaturat e betonit ne punimet e betonit.
- Punonjes Mekanike jane kerkuar pasi është e rëndesishme që gjatë realizimit të proceseve të punës për shtrirjen e rretit të KUZ të asistohen nga personel mekanik duke qenë që tubat kane diametër dhe peshë të konsiderueshme. Gjithashtu këta punonjes do të jenë përgjegjës **për ecurinë e mjeteve të gërmimit, të transportit etj.**, të cilat do të përdoren për punimet e këtij objekti.
- Eshte kerkuar 1(një) punonjës i pajisur me çertifikatë “Ekspert për ndihmën e parë dhe ndërhyrjen ndaj emergjencave” e cila të jetë e lëshuar nga shoqeri të akredituara ose nga organizma ndërkombëtare akreditues të njohur nga Republika e Shqipërisë.
- Eshte kerkuar 1 (një) punonjes i certifikuar me deshmi trajnimi si “Përgjegjës per sigurimin teknik dhe shendetin ne pune” .

Argumentimi: Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 39, pika 6/c), të VKM nr.285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë personelin e nevojshëm të kualifikuar për realizimin me sukses të kontratës. Konkretisht:

Kërkesa e mësipërme mbështet në ligjin Nr. 10327 datë 18/02/2010 "Për sigurinë dhe shëndetin në punë" dhe V.K.M nr. 312, datë 05.05.2010 "Për miratimin e rregullores "Për sigurinë në kantier" si dhe ligjit Nr. 10431 datë 09.6.2011 “Për mbrojtjen e mjedisit”. Natyra e kontratës dhe specifikat e sajë kërkojnë njohuri e përgatitje të posaçme për vlerësime të përpikta për të zgjidhur çështje që lidhen me garantimin e sigurisë dhe mbrojtjen në punë. Në rregulloren për sigurinë në kantier miratuar me VKM nr.312/2010 është përcaktuar se punëdhënësi për mbrojtjen dhe parandalimin nga rreziqet, duhet të ndjekë kurse formimi përkatës në fushën e sigurisë e të shëndetit në vendin e punës. **Çdo punëdhënësi**

zgjedh një ose disa persona si përgjegjës për ndihmë e parë në rast emergjencash dhe për sigurinë e mbrojtjes së shëndetit. Rregullorja përcakton kërkesat minimale të sigurisë dhe të shëndetit në punë për kantieret e përkohshëm ose të lëvizshëm, si dhe masat e përgjithshme të mbikëqytjes.

Operatori/ët ekonomik/ë, që gjatë kryerjes së ushtrimit të veprimtarisë, duhet të ketë/në kualifikimet dhe dokumentat përkatëse lidhur me ndikimin në mjedis dhe rehabilitimit të mjedisit, për raste ndotjesh siç parashikon VKM-ja nr.312/2010. Rregullat dhe procedurat e përgjithshme **për garantimin e mbrojtjes në një nivel të lartë të mjedisit janë detyrim ligjor për çdo subjekt tregtar person fizik apo juridik për parandalimin dhe pakësimin e rreziqeve ndaj jetës e shëndetit të njeriut, sigurimin dhe përmirësimin e cilësisë së jetës, në dobi të brezave të sotëm dhe të ardhshëm, si dhe sigurimin e kushteve për zhvillimin e qëndrueshëm të vendit.** Garantimi i ekspertizës së mbrojtjes nga çdo rrezik dhe të papritur në punë dhe dokumentat përkatëse të personave përgjegjës i shërbejnë autoritetit për të krijuar bindjen dhe besueshmëri për realizimin e kontratës.

Gjithashtu Eshte kerkuar ne kriterete e vecanta edhe **specialist Ekspert Zjarrfikës** Duke patur parasysh natyren e ketij objekti, punimet e shtrira ne terren perkatesisht ne dy fshatra Gjorice e Siperme dhe Gjorice e Poshtme, Njesia Administrative Gjorice, natyren e ketij objekti, punimet ne terren te veshtire dhe per te perjashtur cdo ngjarje te paparashikuar u kerkua Ekspert Zjarrfikës

g. Operatori Ekonomik duhet te kete te punesuar mjekun e shoqerise ose mjek te kontraktuar nga jashte me kontrate sherbimi / me subjekte te specializuara per kete qellim. Mjeket te jene te pajisur me licencë profesionale nga Ministria e Shëndetësisë, kontratë noteriale pune (*të vlefshme*), Urdhër mjeku, Diplomë, CV, dhe librezë pune. Në rast te bashkimit të operatorëve ekonomikë, secili prej operatorëve ekonomike pjesëmarrës në bashkim që plotëson kriteret e VKM-së Nr.692, datë 13.12.2001 ndryshuar me VKM Nr.742 datë 06.11.2003, duhet të ketë pjesë të stafit të tij 1 (një) mjek të përgjithshëm.

Argumentimi: Në zbatim të Vendimit të Këshillit të Ministrave Nr. 692 datë 13.12.2001 *“Për masat e veçanta të sigurimit dhe mbrojtjes së shëndetit në punë”* (i ndryshuar me VKM-në nr.742, datë 06.11.2003), njësia e prokurimit vlerëson se operatorët ekonomikë për sigurimin e jetës dhe shëndetit të punëmarrësve nëpërmjet zbatimit të masave të nevojshme, duhet të disponojnë si pjesë të stafit ose të nënshkruaje kontrate sherbimi me një mjek të përgjithshëm.

2.3.4. Licensat

- a.** Operatori Ekonomik te kete License per Mbrojtjen nga Zjarri te leshuar nga Qendra Kombetare e Licencimit QKL.Kodi 1.2.A. Shërbime ekspertize dhe/ose profesionale të mbrojtjes civile, Hartimi i projekteve të mbrojtjes nga zjarri dhe për shpëtimin”
- b.** Operatori Ekonomik te kete Licence te leshuar nga Qendra Kombetare e Licencimit (QKL) Kodi III.2.B “Për grumbullim dhe transport i mbetjeve inerte”.

2.3.5. Makineri Pajisje

Operatori Ekonomik duhet të paraqesë makineri dhe pajisje sipas tabelës së mëposhtme, të cilat duhet të jenë në pronësi të tij ose me qera të vërtetuara këto me dokumentacionin përkatës:

1.	Kamion vetëshkarkues, minimumi 20 ton	2 (dy) cope
2.	Kamion vetëshkarkues 15 - 20 ton	2 (dy) cope
3.	Kamioncina	3 (tre) cope
4.	Kamion me Vinç	1 (nje) cope
5.	Fadrome me goma	2 (dy) cope
6.	Rimorkiator për transportin e makinerive	1 (nje) cope
7.	Eskavator me goma për germim dheu 0,25 m ³	2 (dy) cope
8.	Eskavator me zinxhir	3 (tre) cope
9.	Eskavator me zinxhir me çekic pneumatik	1 (nje) cope
10.	Minieskavator	2 (dy) cope
11.	Autobitumatrice	1 (nje) cope
12.	Autobetoniere	2 (dy) cope
13.	Betoniere të vogla	3 (tre) cope
14.	Autopompe Betoni	1 (nje) cope
15.	Autobot uji	1 (nje) cope
16.	Rrul ngjeshes gome cilindër	1 (nje) cope
17.	Rul ngjeshes për asfaltim	1 (nje) cope
18.	Asfaltshtruese	1 (nje) cope
19.	Sharre për prerje asfalti	1 (nje) cope
20.	Vibrator Betoni	4 (kater) cope

21.	Makineri Prerese Betoni	1 (nje) cope
22.	Armature Kallëperi betoni	500 m ²
23.	Pompe Uji	2 (dy) cope
24.	Matrapik	2 (dy) cope
25.	Makinë për ngjitje tubash PE	2 (dy) cope
26.	Gjenerator	2 (dy) cope
27.	Motosaldatriçe	3 (tre) cope
28.	Depozita uji min 5000 litra	2 (dy) cope
29.	Tok Mak Elektrik per ngjeshje dheu	2 (dy) cope
30.	Pajisje e lëvizshme me ultratinguj për matjen e rrjedhjes / prurjes (Pajisja dixhitale)	1 (nje) cope
32.	Sistem Well Point	1 (nje) cope
33.	Grejder	1 (nje) cope
34.	Makineri teknologjike (trancher) per frezim dhe hapje kanali me thellesi mbi 50 cm ne rruge te asfaltuara	1 (nje) cope
35.	Motosharre per prerje bimesie	1 (nje) cope
36.	Vinc eskavator me krahe te gjate me kapacitet ngrites mbi 60t i pajisur me ganxha dhe kulle vinci	1 (nje) cope

Mjete dhe pajisje të mbrojtjes në punë të punëtorëve, personelit në zbatim të kërkesave të VKM Nr. 312 datë 05.05.2010 "Per miratimin e Rregullores per sigurine ne kantier", si më poshtë vijon:

- Kokore + Jeleke fosforoshente minimumi 100 cope
- Fikëse zjarri të lëvizshme minimumi 5 copë
- Prozhektorë ndriçimi natën minimumi 7 copë
- Komplet i ndihmës së shpejtë minimumi 5 copë
- Tabela paralajmëruese për sigurinë në objekt minimumi 15 copë

Per mjetet qe shenohen ne rregjistra publike duhet te paraqitet dokument qe verteton pronesine e mjetit (certifikate pronesie), dokument qe verteton rregjistrimin e mjetit (leje qarkullimi), certifikata e kontrollit teknik SGS si dhe siguracionin e mjetit (police sigurimi); te vlefshme. Per mjetet e siguruara me qera, te paraqiten dokumentet qe vertetojne rregjistrimin e tij, plus certifikaten e kontrollit teknik (SGS) dhe siguracionin e mjetit te vlefshme. Keto dokumente duhet te shoqerohen me kontraten perkatese te qerese te vlefshme per te gjithë periudhen e realizimit te kontrates objekt i ketij prokurimi. Per mjetet e tjera qe nuk jane te shenuara ne rregjistra publike duhet te paraqitet kontrate noteriale e blerjes / fature tatimore / dokument zhdoganimi te mjetit.

Per pajisjet ne pronesi shoqerohen me akt pronesie origjinal ose fotokopje te noterizuar (kontrata shit- blerje, kontrata dhurimi, fatura tatimore shitje, deklarate zhdoganimi) te vlefshme.

Per pajisjet me qera te paraqitet kontrata e lidhur para noterit per kete objekt shoqeruar me akt pronesie origjinal ose fotokopje te noterizuar (kontrata shit-blerje, kontrata dhurimi, fatura tatimore shitje, deklarate zhdoganimi) te vlefshme.

Shenim: Per mjetin "Rimorkiator per transportin e makinerive", ne rast se nga Operatori Ekonomik nuk disponohet dokumentacioni certifikate pronesie / kontrate qeraje, nga autoriteti kontraktor do te pranohet edhe dokumenti kontrate huaperdorje.

Për mjetet dhe pajisjet teknike që ka deklaruar operatori ekonomik duhet të paraqesë foto të qarta për secilin mjet dhe pajisje. Në rastin e mjeteve të targuara duhet të jetë e dukshme ne nje foto te vetme mjeti dhe targa e tij.

Operatori Ekonomik duhet të paraqesë deklaratë me anë të së cilës të deklarojë vendndodhjen e mjeteve të kërkuara në procedurën e prokurimit publik si dhe te pranoje verifikimin e mjeteve dhe pajisjeve të deklaruara në çdo kohë deri në përfundimin e kontratës nga Autoriteti Kontraktor.

Operatori Ekonomik duhet të paraqesë një deklaratë me anë të së cilës deklaron se mjetet dhe pajisjet e deklaruara nuk janë të angazhuara në kontrata të tjera.

Për përmbushjen e këtij kriteri, operatorët ekonomikë duhet të vetëdeklarojnë mjetet dhe pajisjet që disponojnë në formularin përmbledhës të vetëdeklarimit.

Argumentimi: Kërkesat e mësipërme bazohen në nenin 77 të ligjit Nr.162/2020 "Për Prokurimin Publik¹" në të cilin përcaktohet: *Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie.*

Në nenin 39 “Kërkesat të veçanta për kontratat e mallrave” pika 6/d të VKM Nr. 285 datë 19.5.2021 parashikohet: “Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon... **mjetet e pajisjet teknike, të nevojshme për ekzekutimin e objektit të prokurimit, që ka në dispozicion apo që mund t’i vihen në dispozicion operatorit ekonomik për të përmbushur kontratën.**”

Këto mjete dhe pajisje **referuar preventivit të punimeve** janë të nevojshme për realizimin e punimeve, ndaj njesia e prokurimit vendosi që të kërkojë që operatorët ekonomik të disponojnë mjetet e pajisjet e mësipërme sepse ato nevojiten për kryerjen e punimeve dhe janë në përpjesëtim me objektin e kontratës.

Sipas specifikimeve teknike

Do të sigurohen makinerite e nevojshme të germimit, ngritjes, transportit dhe të gjitha makineritë e tjera të nevojshme për tu marrë me çdo klasë materialit dhe germimi për punimet do të kryhet me një gjerësi, gjatësi, thellësi, drejtim dhe pjerrësi të tillë si ato të specifikuar ose të treguara në Projektin Perfundimtar.

Makinerite kamiona dhe kamioncina janë kërkuar për transportin e materialeve që do të dalin gjatë germimeve sipas kërkesave në preventive, ku ka germime në volume të mëdha dhe transport dheu me auto deri në 5 km në volume 57511 m³

Gjithashtu ky proces do të vazhdojë me mbushje ngjeshje, drenazhime dhe largim të ujërave etj

Eskavator me goma për germim dheu 0,25 m³ është kërkuar sipas kërkesave të preventivit për germim dheu.

Makinerite për prerje asfalti janë kërkuar sipas specifikimeve teknike se ku përcaktohet shtresat e asfaltit duhet të priten me sharrë. Punimi konsiston në prerje vertikale me sharrë të asfaltit ekzistues për të lehtësuar heqjen e shtresave bituminoze. Ai duhet të kryhet me pajisje të veçanta dhe punëtori të specializuar.

Autobitumatrice është kërkuar referuar specifikimeve teknike ku parashikohet Makinerite e grumbullimit dhe përzierjes së materialeve bituminoze të ngritura në kantier, për punimet në asfalt dhe shtresave të binderit dhe punimeve në shtresat asfalto beton.

Makinerite Vibrator Betoni Makineri Prerese Betoni pompe Uji janë kërkuar duke patur parasysh punimet në beton si puseta betoni vaske biologjike betoni ndërtim mure betoni prishje mure blloqe betoni etj (referuar preventivit dhe Kapitulli 3 specifikimet teknike). Pajisja vibrator Betoni do të

perdoret per hedhjen dhe ngjeshjen e betonit si dhe per rikuperimin e palankolave prej betoni te armuar.

Pompat e ujit grejderi etj jane kerkuar sipas specifikimeve teknike ku percaktohet:

“Kontraktori do të jetë përgjegjës për kontrollin e largimin në të gjitha zonat e punimeve duke përfshirë por duke mos u limituar me: gjurmimet, rrugët e aksesit, zonat e parkimit, zonat e depozitimit dhe të skelerive. Kontraktori do të sigurojë, të operojë dhe të mirëmbajë të **gjitha kanalet, basenet, gropat, tombinot, nivelimet e truallit dhe strukturat e pompimit për të devijuar, mbledhur dhe për të larguar të gjitha ujërat nga zonat ku punohet. I gjithë uji do të nxirret nga zonat ku punohet dhe do të largohet në përputhje me lejet e aplikueshme”**

Uji në kantier dhe uji që futet në kantier do të largohen me anë të kullimeve të përkohshme ose sistemeve të pompimit ose me anë të metodave të tjera që bëjnë të mundur kryerjen e punimeve pa ujë dhe të mbrojtura nga dëmtimet për shkak të ujit. Balta dhe mbeturinat do të kapen para se uji të shkarkohet nga kantieri.

Kontraktori do të ndërtojë kanale kulluese, gropa drenazhuese, mure me palankola dhe punime të tjera dhe duhet të sigurojë dhe të vendosë në punë **pompa, sistem të tubave thithës (wellpoints) ose makineri të tjera që mund të jenë të nevojshme për këtë qëllim**. Kontraktori do të marrë masat e nevojshme për të mbështetur dhe për të stabilizuar gjurmimet ose strukturat.

Gjatë kohës që merret me **devijimin dhe shkarkimin e ujit, Kontraktori duhet të shmangë përmbytjen e punimeve të tjera, që shkaktojnë gjërryerjen e dherave** ose ndotjen e tokës apo rrjedhave të ujit.

Vinc eskavator me krahe te gjate me kapacitet ngrites mbi 60 ton i pajisur me ganxha dhe kulle eshte kerkuar per arsye te vendosjeve te vaskave biologjike, te cilat jane ne terrene te veshtira (bahce, ara dhe argjinatura) dhe larg nga rruga kryesore si dhe per hapjen e kanaleve ne pronat e familjareve.

Eshte kerkuar Makineri teknologjike (trancher) per frezim dhe hapje kanali me thellesi mbi 50 cm ne rruge te asfaltuara pasi kjo makineri do te jete e domosdoshme per hapjen e kanaleve ne te cilat do te shtrohet dhe do te kaloje tubacioni KUZ.

Eshte kerkuar pajisje Tok Mak Elektrik per ngjeshje dheu e cila sherben gjate procesit te germimeve qe perfshin preventivi i punimeve ne te cilin eshte parashikuar mbushje, rrafshim, ngjeshje me tokmak elektrik ne disa zera te tij.

Në lidhje me kriterin për disponimin e makineri pajisjeve, njësia e prokurimit vlerëson se, referuar përmasave dhe volumit të punimeve objekt kontrate, operatorëve ekonomike u lind e nevojshme disponimi i pajisjeve dhe aparaturave të tilla.

Njësia e prokurimit vlerëson se pa këto mjete një operator ekonomik nuk mund të realizojë punët e parashikuara në këtë objekt prokurimi.

Ndersa mjete dhe pajisje të mbrojtjes në punë të punëtorëve, si dhe personelit janë kërkuar në zbatim të kërkesave të VKM Nr. 312 datë 05.05.2010 "Per miratimin e Rregullores për sigurinë në kantier".

2.3.6. Afati i kryerjes së punimeve

Afati i kryerjes së punimeve është 12 muaj sipas Grafikut të Punimeve të publikuar në SPE

Operatori Ekonomik duhet të paraqesë grafikun e punimeve në përputhje me afatin kohor që është lënë në dispozicion për realizimin e kontratës.

Argumentimi: Kjo kërkesë është bërë në bazë të nenit 15 pika 3/a të VKM Nr.285 datë 19.05.2021 "Për Miratimin e Rregullave të Prokurimit Publik" ku parashikohet: "Informacioni specifik për kontratat e punëve përfshin të paktën: - grafikun e zbatimit;"

Njësia e prokurimit referuar të dhënave teknike dërguar nga sektori i projektimit ku parashikohej dhe afati i kryerjes së punimeve, vendosi që afati i punimeve të jete 6 muaj i vlerësuar si një afat i mjaftueshëm për realizimin e kryerjes së punimeve objekt prokurimi.

Të gjitha dokumentet duhet të jenë origjinale ose kopje të noterizuara. Rastet e mosparaqitjes së një dokumenti, ose dokumente false dhe të pasakta, konsiderohen kushte për s`kualifikim.

Argumentimi i specifikimeve teknike: Bazuar në specifikimet teknike dërguar nga shoqëria projektuese percjelle në Bashkinë Bulqizë dhe në autoritetin kontraktor për publikim, për punimet objekt prokurimi, duke qënë se specifikimet teknike të percjella plotësojnë kushtet e përcaktuara në nenin 36 të Ligjit Nr.162/2020 datë 23.12.2020 "Për Prokurimin publik", dhe nenin 40 pika 2 të VKM Nr.285 datë 19.05.2021 "Për miratimin e rregullave të Prokurimit Publik", njësia e prokurimit po publikon specifikimet teknike për punimet objekt prokurimi.

- Më pas u diskutuan të gjithë kapitujt e dokumentave të tenderit dhe Njësia e Prokurimit bëri miratimin e dokumentave të tenderit.

- Dokumentat u printuan dhe u firmosën në çdo faqe nga të gjithë anëtarët e Njesisë së Prokurimit.

Data e hapjes dhe e zhvillimit të procedurës së prokurimit do të jetë: Data: **11.04.2023** Ora **11:00**
në mënyrë elektronike në www.app.gov.al .

Në përfundim u vendos vazhdimi i mëtejshëm i procedurave ligjore të prokurimit.